

Disposición transitoria única.

Suspéndese a aplicación da Lei orgánica 5/2000, do 12 de xaneiro, reguladora da responsabilidade penal dos menores, no referente ós infractores de idades comprendidas entre os 18 e 21 anos, por un prazo de dous anos desde a entrada en vigor dela.

Disposición derogatoria única.

Quedan derogadas cantas outras leis e disposicións se opoñan ó establecido nesta lei orgánica.

Disposición derradeira primeira.

O artigo 6, as disposicións adicionais primeira e cuarta e o número 2 da disposición adicional quinta desta lei orgánica teñen natureza de lei ordinaria.

Disposición derradeira segunda.

No prazo de tres meses, desde a entrada en vigor desta lei, procederáse á adaptación do Regulamento da carreira xudicial e do Regulamento do centro de estudos xurídicos da Administración de Xustiza, para harmonizalo seu contido co disposto nesta lei.

Disposición derradeira terceira.

Esta lei entrará en vigor o día seguinte ó da súa publicación no «Boletín Oficial del Estado».

Por tanto,

Mando a tódolos españois, particulares e autoridades, que cumbran e fagan cumprir esta lei orgánica.

Madrid, 22 de decembro de 2000.

JUAN CARLOS R.

O presidente do Goberno,
JOSÉ MARÍA AZNAR LÓPEZ

23662 *LEI 7/2000, do 22 de decembro, pola que se conceden suplementos de crédito, por importe de 8.155.525.000 pesetas, para atender insuficiencias producidas no Ministerio de Defensa, como consecuencia da participación das Forzas Armadas Españolas en operacións internacionais de axuda humanitaria e restablecemento da paz. («BOE» 307, do 23-12-2000.)*

JUAN CARLOS I

REI DE ESPAÑA

Saiban tódolos que a viren e a entenderen que as Cortes Xerais aprobaron e eu sanciono a seguinte lei.

EXPOSICIÓN DE MOTIVOS

O Ministerio de Defensa iniciou a tramitación dun expediente para a concesión de suplementos de crédito, por importe de 8.155.525.000 pesetas, co fin de poder atender ata a fin do exercicio os gastos que se van producir polo desenvolvemento das actividades que son propias e habituais do departamento, dado que os créditos dotados para tales fins van resultar insuficientes.

Importantes acontecementos de alcance internacional, como foron os desastres producidos en Centroamérica como consecuencia do furacán Mitch, así como o conflito na antiga Iugoslavia, motivaron a presenza española para a axuda e resolución de problemas de diversa natureza producidos nas zonas afectadas polos ditos acontecementos.

Neste sentido, o Consello de Ministros adoptou o 13 de novembro de 1998 un acordo co fin de facilitala entrega de axuda humanitaria e contribuír á reconstrución de Centroamérica, en virtude do cal Ministerio de Defensa destacou na zona unidades militares, achegando, ademais, medios materiais terrestres, navais e aéreos.

Pola súa parte, o conflito de Kosovo motivou tamén a adopción de acordos do Consello de Ministros, o 9 de outubro de 1998 e o 26 de febreiro de 1999, para autoriza-la participación de unidades militares españolas en apoio dos esforzos diplomáticos para a resolución da crise e dun posible plan de paz.

Así mesmo, a grave crise humanitaria que o conflito de Kosovo desencadeou levou, unha vez máis, o Goberno español a asumir as súas responsabilidades no ámbito internacional, acordando unha operación de axuda humanitaria, por Acordo de Consello de Ministros do 16 de abril de 1999, para a distribución de axuda, a instalación, atención e mantemento dun campamento en Albania para acollida de refuxiados e a súa posterior transferencia a organizacións civís españolas.

Resultado diso foi que o Ministerio de Defensa atendeu as necesidades xurdidas cos seus recursos persoais, materiais e económicos, motivando, en consecuencia, unha insuficiencia nos créditos inicialmente previstos para o financiamento das actividades ordinarias que o citado ministerio debe realizar no desenvolvemento das súas funcións.

Polo que, dado que non existe crédito suficiente nos vixentes orzamentos xerais do Estado para financiar as ditas actividades, resulta necesario conceder suplementos de créditos naquelas partidas do orzamento do Ministerio de Defensa que van resultar insuficientes.

A este respecto, o Goberno aprobou un proxecto de lei que foi remitido ás Cortes Xerais para a súa tramitación e aprobación.

Non obstante, a disolución das Cortes Xerais polo Real decreto 64/2000, do 17 de xaneiro, sen estar finalizada a tramitación do citado proxecto de lei, determinou a súa caducidade.

Os suplementos de crédito tramítanse de acordo co Consello de Estado e logo do informe da Dirección Xeral de Orzamentos.

Artigo 1. *Suplementos de crédito.*

Concédense suplementos de crédito, por importe de 8.155.525.000 pesetas, no vixente orzamento da sección 14 Ministerio de Defensa polos importes e nas aplicacións orzamentarias que se recollen no anexo.

Artigo 2. *Financiamento dos suplementos de crédito.*

Os suplementos de créditos a que se refire o artigo anterior financiaranse con débeda pública, de acordo co establecido no artigo 101 do texto refundido da Lei xeral orzamentaria, aprobado polo Real decreto legislativo 1091/1988, do 23 de setembro.

Disposición derradeira única. *Entrada en vigor.*

Esta lei entrará en vigor o día seguinte ó da súa publicación no «Boletín Oficial del Estado».

Por tanto,

Mando a tódolos españois, particulares e autoridades, que cumbran e fagan cumprir esta lei.

Madrid, 22 de decembro de 2000.

JUAN CARLOS R.

O presidente do Goberno,
JOSÉ MARÍA AZNAR LÓPEZ

ANEXO
Concesión de suplementos de crédito

Aplicación	Denominación	Importe — (En pesetas)
	<i>Servicio 11: Mando do Apoio Loxístico do Exército de Terra</i> Programa 211.A «Administración e Servicios Xerais de Defensa»	
Concepto 660	Investimentos militares asociados ó funcionamento operativo dos servicios	131.322.000
	Programa 212.A «Gastos operativos nas Forzas Armadas»	
Subconcepto 221.03	Combustible	71.386.000
	Programa 213.A «Modernización das Forzas Armadas»	
Concepto 650	Investimentos militares en infraestrutura e outros bens	2.975.736.000
	<i>Servicio 12: Dirección de Asuntos Económicos do Exército de Terra</i> Programa 211.A «Administración e Servicios Xerais de Defensa»	
Subconcepto 229.00	Outros gastos de vida e funcionamento	79.343.000
	Programa 412.B «Asistencia hospitalaria nas Forzas Armadas»	
Subconcepto 221.99	Outras subministracións	102.000.000
	<i>Servicio 16: Xefatura do Apoio Loxístico da Armada</i> Programa 212.A «Gastos operativos nas Forzas Armadas»	
Subconcepto 221.03	Combustible	216.997.000
	Programa 214.A «Apoio loxístico»	
Concepto 660	Investimentos militares asociados ó funcionamento operativo dos servicios	1.234.840.000
	<i>Servicio 17: Dirección de Asuntos Económicos da Armada</i> Programa 211.A «Administración e Servicios Xerais de Defensa»	
Subconcepto 229.00	Outros gastos de vida e funcionamento	108.003.000
Concepto 230	Axudas de custo	582.359.000
Concepto 231	Locomoción	344.264.000
	<i>Servicio 21: Mando do Apoio Loxístico do Exército do Aire</i> Programa 212.A «Gastos operativos nas Forzas Armadas»	
Subconcepto 221.03	Combustible	174.701.000
	Programa 213.A «Modernización das Forzas Armadas»	
Concepto 650	Investimentos militares en infraestrutura e outros bens	790.400.000
	Programa 214.A «Apoio loxístico»	
Concepto 660	Investimentos militares asociados ó funcionamento operativo dos servicios	1.272.000.000
	<i>Servicio 22: Dirección de Asuntos Económicos do Exército do Aire</i> Programa 211.A «Administración e Servicios Xerais de Defensa»	
Subconcepto 229.00	Outros gastos de vida e funcionamento	72.174.000
	Total suplementos de crédito	8.155.525.000